

ILUARSIISSUT

Allannguutissatut siunnersuutip 29. november 2015-imeersup taartaa

(Inatsisissatut siunnersuutip § 3-ani § 9-anilu allannguisoqarpoq. Aamma allannguutissatut siunnersuutip § 8-ni pingaarutilimmik atortoqarani aaqqiisoqarpoq.)

Allannguutissatut siunnersuut

uunga

Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. xx, xx 2016-imeersoq.

Pingajussaarinninnissamut Naalakkersuisunit saqqummiunneqartoq.

§ 3-mut

1. § 3 ima oqaasertalerneqassaaq:

”§ 3. Uumasunut Nakorsaqaqarnermut Inuussutissalerinermullu Oqartussat piginnaatitaasutut oqartussatut inatsimmik aqutsisuupput, kiisalu inatsimmi pineqartunik nakkutilliisuullutik.

Imm. 2. Uumasunut Nakorsaqaqarnermut Inuussutissalerinermullu Oqartussaqaqarfiup akisussaaffigai:

- 1) uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarnermut pilersaarusiornissaq,
- 2) paasissutissanik nuna tamakkerlugu akiuiniarnissamut pilersaarutitut atatillugu inernernik naliliinissamut pisariaqartinneqartunik katersinissaq,
- 3) uumasut nappaataat inunnut tunillaassorsinnaasut pillugit inatsisip eqqortinnissaanut nakkutiginninnissaq siunertaralugu Kalaallit Nunaanni suliffeqarfiit inuussutissalerisut tunisassianik uumasuneersunik tuniniaanissamik akuerineqarsimasut akuttunngitsumik misissuiffigisarnissaat, aamma
- 4) uumasut nappaataat inunnut tunillaassorsinnaasut taakkulu akuinik siaruaassinnaasunik akiuiniarnissaq siunertaralugu uumasunik uumasuutinillu pingaarnertut tunisassianik akuttunngitsumik misissuisarnissaq.

Imm. 3. Suliffeqarfiit inuussutissalerisut pingaarnerusumillu uumasunit tunisassiortut Uumasunut Nakorsaqaqarnermut Inuussutissalerinermullu Oqartussaqaqarfiup qinnuiginninneratigut suliaminnik naammassinnittarnerannut pingaarutilinnik paasissutissanik tamanik § 3, imm. 2, nr. 2-mi aalajangersarneqartunik tunniussisassapput.”

§ 8-mut

1

2. § 8, imm. 1 ima oqaasertalerneqassaaq:

”Suliffeqarfinni inuussutissaleriffiusuni, uumasunik pingaarnertut tunisassiornerne, uumasuutini kiisalu piniagassani uumasut nappaataannik inunmut tunillaassorsinnaasunik taakkulu akuinik siaruaassinnaasunik annikillisaanissaq anguniarlugu akiuiniarnissamut periutsinik immikkut ittunik Naalakkersuisut aalajangiisinnaapput.”

§ 9-mut

3. § 9 ima oqaasertalerneqassaaq:

”§ 9. Uumasunut Nakorsaqaarnermut Inuussutissalerinermullu Oqartussaqaarfik uumasut nappaataasa inunmut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittunik iliuuseqarnissamut inerteqquteqarsinnaavoq peqqussuteqarsinnaallunilu.

Imm. 2. Imm.1 aamma imm. 4 naapertorlugit iliuuserisassat imarisinnaavaat:

1) Uumasuutigisanut piniagassanullu tunngatillugit:

- a) Immikkut misissuinerit,
- b) nakkutilliinerit,
- c) nalunaaqutsersuinerit,
- d) nakorsaanerit,
- e) akiuussutissalersuinerit,
- f) immikkoortitsilluni mattussinerit,
- g) uumasunik tunniussinissamut immikkut piunasaqaatit,
- h) uumasunik toqutsineq, tassunga ilanngullugit tuniluuffiusup eqqaani toqutsineq imaluunniit immikkut ittunik piunasaqaatitaqartumik toqoraaneq, aamma
- i) suujunnaarsitsineq.

2) Uumasunit tunisassianik kiisalu nerukkaatissanik, naggorissaatinik, kinnerinik atortunillu allanik tunillatsisimasinnaasunik:

- a) Immikkut misissuinerit,
- b) suliarinninnerit,
- c) nalunaaqutsersuinerit,
- d) immikkut atuinissamut peqqussuteqarnerit,
- e) immummik, manninnik uumasunillu tunisassianik allanik tunniussinissamut immikkut piunasaqaatit,
- f) tunillannartuiaaneq,
- g) nungutitsineq,
- h) toqqortaateqarneq atortussaajunnaartitsinerlu, aamma
- i) suujunnaarsitsineq.

3) Suliffeqarfinnut inuussutissaleriffiusunut aamma uumasunik pingaarnertut tunisassiortunut tunngatillugu kiisalu uumasuutitut atorneqartussatut sanaartukkanut, illuutitut, maskiinaatigut assartuussutigisartakkanullu tunngatillugit:

- a) Aaqqissuussinissamut ingerlatsinissamullu immikkut piunasaqaatit,

- b) eqqiaaneq tunillannartuiaanerlu
- c) akuersissummik utertitsineq,
- d) assiaqusersuineq, aamma
- e) imermik kuutsitsinissamut aamma aalajangersimasumut kuutsitsinissamut inerteqquteqar-
neq.

Imm. 3. Peqqussut inerteqqulluunniit malinneqanngippat Uumasunut Nakorsaqarnermut Inuussutissalerinermullu Oqartussaarfik nioqqutissanik peqqussuteqarfigineqarsimasunik imaluunniit inerteqqutigineqarsimasunik suujunnaarsitseqqusinnaavoq, aamma uumasut napparsimasut akiuussutissamik kapineqarnissaannik toqunneqarnissaannilluunniit peqqus-
suteqarsinnaalluni. Suujunnaartitsineq, akiuussutissamik kapisineq toqutsinerlu suliffeqarfim-
mut piginnittumullu taarsiissutitaqanngitsumik akiligassanngortinneqassaaq."

Imm. 4. Naalackersuisut uumasut nappaataasa inunnut tunillaassorsinnaasut taakkulu akuisa
siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlu-
gu immikkut ittumik iliuuseqarnissaq pillugu inerteqquteqarnissamut peqqussuteqarnissamul-
lu malittarisassaliorsinnaapput."

§ 12-imut

4. § 12, *imm. 1, nr. 1* ima oqaasertalerneqassaaq:

"1) § 9, *imm. 1* naapertorlugu aalajangiussanik malinninngitsoq, imaluunniit"

§ 15-imut

5. § 15 ima oqaasertalerneqassaaq:

"§ 15. Inatsisartut inatsisaat ulloq 1. juli 2016 atuutilerpoq."

Allannguutissatut siunnersuummut nassuiaatit

Nalinginnaasumik oqaaseqaatit

Allannguutissatut siunnersuut saqqummiunneqarpoq Aalisarnermut, Piniarnermut Nunaleri-nermullu Ataatsimiititaliap isumaliutissiissutaa tunngavigalugu, aamma inerteqquteqarnissamut peqqussuteqarnissamullu erseqqissumik inatsisitigut tunngaveqartarnissamik politimesterip kissaateqarnera malinniarlugu. Taamatuttaaq allannguutissatut siunnersuut saqqummiunneqarpoq § 3, imm. 2 naapertorlugu avataaneersunut piginnaatitsissut pillugu aalajangersakkamut Inuussutissalerinermut Aqutsisoqarfiup akerliissuteqarnera tunngavigalugu, allannguutissatut siunnersuummi pineqartoq saqqummiunneqareerluni siunnersuutip aappasaanik suliarineqarnissaanut akuerisassanngortinneqarsimavoq. Naalakkersuisut aalajangerput avataaneersunut piginnaatitsissut pillugu aalajangersagaq peerneqassasoq.

Allannguutissatut siunnersuummi avataaneersunut piginnaatitsissut § 3, imm. 2-miittoq pillugu aalajangersagaq saqqummiunneqareerluni aappasaanik suliarinninnissamut akuerisassanngortinneqarsimasoq allannguutissatut siunnersuut manna aqqutigalugu atorunnaarsinneqarpoq. Aamma allannguutissatut siunnersuut manna peqqussuteqarnissamut inerteqquteqarnissamullu Naalakkersuisut erseqqissunik malittarisassaliortarnissaannut inatsisitigut tunngavis- sanik imaqarpoq. Politimesterip oqaatigaa § 9, imm. 1 siunnersuutigineqartutut isikkoqartillu- gu isumagineqarsinnaassasoq. Allannguutissatut siunnersuummi matumani malittarisassat malillugit peqqussuteqarnissamut inerteqquteqarnissamullu malittarisassat aalajangersarne- qarjata politimesteri tusarniaaffigineqassaaq. Siunissamit nalunaarutaajumaartussat il. il. siunnersuummi inatsisitigut tunngaveqartinneqartussat susassaqtartunut tusarniaassutigineqar- tassapput.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Allannguutissatut siunnersuummi avataaneersunut piginnaatitsissut § 3, imm. 2-mi aalaja- ngersarneqartoq aappasaaneerlugu suliarineqartussaagaluq atorunnaarsinneqarpoq. Allannguinerup nassataanik imm. 3 imm. 2-nngortinneqarpoq aamma imm. 4 imm. 3-nngor- tinneqarluni, taamaattoq aalajangersakkat imarisaat allanngortinneqanngillat.

Nr. 2-mut

Aalajangersakkami allannguneq taamaallaat inatsisiliornermi teknikkimut tunngassuteqarpoq atortutigullu allannguutinik imaqarani.

Nr. 3-mut

Imm. 1-imut

Aalajangersakkatigut Uumasunut Nakorsaqaarnermut Inuussutissalerinermullu Oqartussat inatsisitigut tunngavissineqarput uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuuseqarnissamut inerteqquteqarnissaq peqqussuteqarnissarlu pillugit aalajangiinissamut. Inerteqquteqarneq peqqussuteqarnerluunniit ingerlatsinermut tunngassuteqarmata Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersumi malittarisassat atorneqassapput, tassunga ilanngulugu §§ 19-20-mi susasaqartunik tusarniaanissamut tunngatillugu malittarisassat.

Aalajangiinerit ataasiakkaat imaat nalilersorneqartassapput, aamma aalajangiinerit inatsisinut naapertuuttut § 9, imm. 4 naapertorlugu ingerlatsinermi inatsisitigut maleruqqusat malittarisassallu aalajangersarneqarsimasut tunngavigivaat. Taamaammat missingiinissamut killeqarpoq aamma nalilersuinermi piumasaqaatit, soorlu piviusorsioruunissamut piumasaqaatit aamma assigiisitsinissamut tunngaviusut malinneqassapput. Aalajangersagassatut siunnersuutip malitsigisaanik aalajangiinerup inatsisinut naapertuuttuunissaanut piumasaqaataavoq uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu inerteqquteqartarnissaat imaluunniit peqqussuteqartarnissaq. § 9, imm. 4-mi Naalakkersuisut inerteqquteqarnissamut peqqussuteqarnissamullu erseqqinnerusumik malittarisassaliorsinnaanerit inatsisitigut tunngavissinneqarpoq.

Imm. 2-mut

Aalajangersakkap imarai uumasut nappaataasa inunnut tunillaassorsinnaasut taakkulu akuisa siaruaassinnaanerisa killilersimaarneqarnissaat siunertaralugu iliuusissatut atorneqarsinnaasut allattorsimaffiat. Allattorsimaffik tamakkiisuunngilaq. Uumasunut uumasunillu tunisassianut, nerukkaatissanut, kinnernut naggorissaatinullu kiisalu illuutitut tunngatillugit iliuusissat uumasunut napparsimasunut uumasunullu napparsimanngitsunut tunngatillugit atorneqarsinnaapput. Uumasuuteqarnermi iliuuserisassat ilaatigut tassaassinnaapput uumasuutit nappaatinik tunillaassuisut immikkoortinneqarnissaat, qanoq uumasuuteqartiginissamut piumasaqaatit, uumasunik ilanngussinissamut immikkut piumasaqaatit, assersuutigalugu napparsimasut napparsimanngitsullu immikkoortilluinnarneqarnissaat, immikkut aaqqissuussinissamut piumasaqaatit aamma uumasunik, immunnik, manninnik tunisassianillu allanik aallernermit atatillugu periuseqarnissamut piumasaqaatit.

Imm. 3-mut

Immikkoortoq allannguutissatut siunnersuummut siunnersuutip aappasaanik suliarineqarneranut atatillugu saqqummiunneqartumut assinguvoq, inatsisiliornermilu teknikkut pissutigalugit ilannguteqqinneqarluni. Atortutigut allannguisoqanngilaq.

Imm. 4-mut

Aalajangersagassatut siunnersuutitigut uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuuseqarnissaq pillugu inerteqquteqarnissamut peqqussuteqarnissamullu Naalakkersuisut erseqqinnerusumik malittarisassaliorsinnaanerannut inatsisitigut tunngavissinneqarput. Inatsisitigut tunngavissaq ilanngunneqarpoq erseqqinnerusumik aaqqiissuteqartarnissaq aalajangersaaffiginarlugu.

Nr. 4-mut

Aalajangersagassatut siunnersuummi erseqqissaaffigineqarpoq § 12, imm. 1 nr. 1 Uumasunut Nakorsaqaarnermut Inuussutissalerinermullu Oqartussat § 9, imm. 1 naapertorlugu aalajangiiffigisaannut tunngassuteqartoq.

Nr. 5-imut

Allannguinerup nassataanik inatsit ulloq 1. juli 2016 atuutilissaaq. Inatsisissatut siunnersuutip pingajussaanic suliarineqarnissaat kinguartinneqarnera tunngavigalugu allannguisoqarpoq.